

مجله مطهره

مجله مطهره و اداره :

جغسال اوغلانده امنیت
سندوغی حوارینده
شنکول یقوشنده
۲۲ نوسرو

امطار :

مسلمکمز موافق آثار
جدیده مع الممنونیه
قبول اولنور
درج ایدله یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه در بحث ابر و فائده بر نشر اولنور .

آبونه بدلی

صاحب و مؤسسلری :

ابوالعلاؤ زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندربیلر سه سنوی
۲۰ غروش فضله آلنیر

سنه لکی	القی آیلانی	غروش
۶۵	۳۵	۳۵
۶۵	۳۵	۳۵
۱۷	۹	۹

عدد : ۱۲۶

۲ صفر پنجشنبه ۲۰ کانون ثانی ۳۲۶

بشنجی جلد

تضم شتات المسلمين بوحدة الى اى ناد للتعارف يرتجى لعمرک هذا ما اراد الهنا

نظرت بنى قومی یتیم، ن فی الفلا وان قام فیهم مصلح خاب سعيه وان اجمعوا امراً وساروا بمنهج فہم مثل اغنام بمرعى تصیبه اذا قصرت شاة وخلت قطيعها كذلك اهل الغرب تدأب جہدہا فہم مثل ذاك الذئب والقوم جمع نیام کاهل الکھف طال هجودہم

(لفارس) فی الاسلام شأن تضالت نظرت الیہا وهی تصلح امرها تروم صلاحاً شأنها مثل شأننا غدت لبنى التأمیز والروس مطمعا يقولون انا نحفظ لامن (خدعة) فیا معشر الاسلام هبوا وادفعوا ویا زعماء المسلمين الى متى الیکم فہذا الدین اتم حماة واتم لیوم السلم موکب عزہ الیکم فہذا خیر ما تفعلونه اعيدوا لهذا الدین سابق عزہ

لدى وصفه الافکار والخطرات وتهدم صرح الظلم فهو شکاة فتتخذ لها الاهواء والصدمات وحلت بها الاهوال والنکبات وعقبى التفاضى الویل والحسرات عن الحوض والاسیاف منصلتات رقادکم قد آتت القیظات اذا خذلتہ من بینہ حاة واتم لیوم الحرب فیہ کما واذ فخرکم لا لاعظم النجرات تعادلکم (ایامہ النظرات)

بشیر یموت

شئون

بفاراده دور جدید مراسم جلوسیه - ۶ محرم الحرام جمعہ کوفی امیر جدید سید امیر عالم خان حضرت تری والی بولندقری کرمنہ ولا یتندن بخارایہ مواصات ایتشدر عادات . مراسم محلیہ ایله امیر جدیدک تحت حکمرانی یہ قعودی اعلان ایدیلمش، شہری ولولہ لره غرق اولمشدر. محرم الحرامک لون ایکنجی پنجشنبہ کوفی مراسم جلوسیه نک اجراسی رسماً الویہ وملحقانده بولسان اعیان، اشراف، علما، ومأمورینہ اعلان ایدیلمشدر. فی الواقع او کون علی الصباح بتون بخارا اہالیسی سواقلره دوکیش، سرای حکمداری اولان «اریک» میدانلی خنجاخنچ طولمشدر. علما، وزراء، اعیان، اشراف روس مأمورین سیاسیہ سی حمله سرایہ داخل اولهرق قبل الزوال ساعت ۱۰ ده مراسم جلوسیه اجرا وحکمدار جدید امیر عالم خان حضرت تری نہ رسم بیعت ایفا اولمشدر. بو مراسمی متعاقب بخارانک اصلاحات اساسیہ سنہ عائد بیاننامہ امیری قرائت ایدیلهرک حاضر بالجلس اولانلرک

انظر دقتاری جلب ایدیلمش و بویله چه مراسمه ایکی ساعت صکرہ نہایت ویریلمشدر . ساعت ۱۲ ده وزیر اعظم نصراء پروانہ جی طرفدن اریک میداندہ بولنان بالجلہ مأمورین وعسا کرک مواجہہ سندہ اصلاحات اساسیہ عائد اولان بیاننامہ قرائت ایدیلهرک . تا قبل وزیر مشارالیه ومقرینندن محمد یونس حضراتی طرفدن اوزون و بلیغ نطقلر ایراد اولنش وحکمدار حضرت تری نک مقصد عالی ترقی پروانہ سی تشریح وتوضیح، خلافتہ حرکت ایدنلرک مجازات شدیدہ معروض قالہ جقاری تفہیم ایدلشددر .

بیاننامہ نسخ مطبوع سنک بالعموم بخارا ولایات، شہر وقصبہ لرینہ ارسالی و اہالی یہ تعمیم وتفہیم اولنسی تنسیب اولمشدر . بو صورت مطبوعہ هنوز اداره مزہ واصل اولہ میدیغندن عیاً نقل ایدہ مدک . کلہ جک نسخہ لردہ اشاء اللہ ترجمہ ایددرز . فقط باشلیجہ قسم لرینی بخارادن الدیغمر مکتوبلر احتوا ایتکدہ اولدیغندن بروجہ آتی نقل ایدیورز :

بالعموم . مأمورین حکومتک شمدی یہ قدر امیرلرہ تقدیم ایتکدہ اولدقاری ہدایانک لغوی، محاکم شرعیہ نک اصلاحی، اہالیدن الثان محکمہ ومہر پارہ لرینک تعدیل، مملکتک طرق عمومیه سنک تعمیر وتنظیمی، شوسہ یوللرینک تکثیری، کوپرولرک تعمیر، مدارس ومساجدک تعمیر، مکاتب ابتدائیہ نک اصلاحی، ہرطرفجہ مکاتب ابتدائیہ نک کشاد وتکثیری، ویرکولرک تعدیل (بو اہالینک منفعت کلیہ سنی موجب اولہ جق برصورتہ جدول مخصوص ایلہ کوستریامش ونتیجہ دہ پارہ دن زیادہ اہالی وتبعہ نزد حکمداریدہ قیمتدار بولندی ذکر ایدیلمشدر) امور تجاریہ نک سربستیی، امور عسکریہ نک اصلاح وتنظیمی، عسا کرک قانون دائرہ سندہ اخدی . مسن وخستہ نفرلرک سالت عسکریدن اخراج واستبدالی، معاشات عسکریہ نک مرفہا کچینہ جک برصورتہ تزییدی، مأمورین شرعیہ وملکیہ دن شکایت ایدہ جک لرک رمغدرلرک طوغریدن طوغری یہ حضرت امیرہ مراجعتی . . . کبی مواد مهمہ اساسیہ دن عبارت اولان بیاننامہ نک تطبیق والیرہ، مأمورین شرعیہ، عسکریہ وملکیہ یہ تقویض اولمشدر . اجرا ونظیفندہ تکامل کوسترتلرک مؤیداً مأموریتدن طرد ومجازات شدیدہ کرفتار ایدیلہ جکلرینہ دائر تنبیہات ایلہ بیاننامہ ختام بولمقدہ در . بالعموم اہالی بوبیاننامہ دن صوک درجہ ممنون اولهرق امیر جدید حضرت تری نک عمر وعافیتی ایچون سوبنچ کوزیاشری دوکهرک دعادہ بولمشدر . بوندن صکرہ محبوسین سیاسیہ وعادیہ دن ۶۹ نفر تخایہ ایدیلہ شددر .

صدر اعظم حق پاشا حضرت تری نہ

فخا تہ تاب،

وطن عثمانیک ہر ذرہ خاکی نہ مرتبہ مقدس ایسہ کافہ افراد تبعہ نک جان وعرض ومالی دخی اودرجہ عزیز ومحترمدر . کریدہ غیر مسلم تبعہ عاصیہ سنک عنصر اسلام غلیہ نہ روا کوردکلری مظالم واعتسافات

قلب ملتی جریحه دار ایده جک بر حال تحمل فرسایه وارم شد. دول
اربعه حامیه نك تعهدات و تأمینات مکرر سینه رعماً جزیره ده بولنان اوتوز
بیکی متجاوز زوالی اهالی مسلمه بوکون بالفعل هر در لو حمایه و صحابتدن
و کافه حقوقدن محروم اوله رق هر دقیقه موتک تهدیدی آلتده غایت
ایلم بر حییات امرار ایتمکده در. قتل نفوس و نهب و غارت و اماکن
مقدسه و مقابر و مخدراته تعرض کبی فضایح و جنایاتک هر کون بر
صورتله تشدید شاعت ایلمسی اوراده کی ییچار کاتک فی الحال جناب
ذوالجلال دن غیری بر خلاصکارلری قالدیفنه دلالت ایدیور. محضاً
عثمانلیلک کریده بقای شان و شرفی و تشدید آثار فعلیه سی ایچون
هر در لو ظلم و تضییقه قارشو بونجه سندن برو مجاهدانه ثبات ایدرک
وطنک حقیقی اولادی اولدیفنی اثبات ایلمش اولمقدن بشقه زداغیارد
بیله بر قباحتی اولیان عنصر اسلامک بویله مهلکه کرده بر اقل مسنه ملت
نجیه مزک قسطاً راضی اولدیفنی معلوم داور افخمیلریدر. اه عشقنه اولسون
اویچاره قرداشلریمزک عموم ملت عثمانیه جه محترم اولان جان و عرض
ومالترینک جدی و فعلی بر صورتده تحت تأمین النسی اسباب عاجله سینه
کمال اهمیتله توسل بیورمکزی بحسب الوکاله نیاز و استرحام ایلم فرمان.

کرید رسمو اهالی مسلمه سی

وکیل عمومی دعوی وکیل

احمد ساقی

اسیای وسطی فلاکتزدگانی

۴- ه کانون ثانیه وقوعه کلن زلزله لری، روسیه دن کلن
غز نه لر مدھش بر صورتده تصویر ایلمکده درلر. زلزله نك شدتده
معروض قالان پرژیوالسکی شهری صوگ زلزله ده خارجله ارتباط
و علاقسی بوسبتون منقطع اوله رق اطرافی درین خندقلر، وادیلر
اولمشدر. هیچ بر طرفدن شهره دخول ایچون یول قالمامشدر.
برچوق یرلر مظلّم حفره لر حالتده منقلب اولمشدر. یرلر یارلدیفنی وقت
مدھش صدار طنین انداز اولمش، صولر، طاشلر جو هواده ایچه
یوکلشمشدر.

بیکلرجه اهالی شوشدت شتاده کنیش، واسع قیرلرده، صحرا
لرده چادرلر آلتنده امرار حیات ایتمکده درلر. اهالی بی دهشت و
فلاکت صوگ درجه ده استیلا ایتمشدر. روسیه حکومتی فلاکتزدلره
معاونت ایتک اوزره فداکارلقلر اختیار ایتکده اولدیفنی حالده اهالینک
دهشت و سفالتی بر درلو ازاله ایدیله میور.

(صلیب احمر) جمعیتی اون بش بیک روبله، اعانه ده

بولمشدر.

ایکیده بر اوچیوز ملیون اسلامدن آغز طولوسیه بحث ایدن
دارالخلافه مسلمانلری، فلاکتدیده قارداشلری حقنده کی حسیات
قلیه لرینی آکلاسونلر! بتون روسیه جمع اعانات ایله چالقانوب طور دینی

حالدده مرکز خلافتده اونودولوب کستدی بیله. بویله عظیم بر فلاکت
قارشوسنده دارالخلافه ده چیقان کونده لک غز. قارلرینک بو
قدر لاقید قالملری، هم عرق و دینداشلق شویله. اون، انسانیت
نقطه نظرندن بیله شایان مؤاخذه در. باری ولایتده کی غ
آچهرق ارباب حمیتی تشویق ایتسونلر.

بوفلاکتزده قارداشلر منمنعته بر قوتفرانس ویرمک ایسته دیکمزی
کچن هفته یازمشدق. بو قوتفرانسک استفاده لی منظم وجدی اولسنه
غیرت ایدیلیور. پروغرام قسماً تحت قراره آلتدی. کله جک هفته
بتون تفصیلاتیله اعلان اولنه جقدر.

صراط مستقیمک نسخه فوق العاده سی ده اوکیجه یه یتیشدیرلمسی
مقرر اولدیفندن اهدای آثار بیوره جق ذوات کرام بر هفته یه قدر
بازدقلرینی اداره خانه مزه کوندرملری رجا اولنور.

خلیل خالد، کامل وادهم نژاد بکلردن ده نسخه فوق العاده
مخصوص بر اثر ارسال بیورملری تمنی اولنور.

اسیای وسطی فلاکتزده کانی ایچون تبه دللی زاده کامل بک طرفندن
بر لبرای عثمانی ایله کپالری عثمان توفیق افندی طرفندن بر مجیدیه
کوندرملک صورتیله ابراز حیت اولمشدر.

کریده مظالم

آتنه مخابر مخصوصندن «روم ایلی» رفیقزده وارد اولان تلغرافنامه در.
«حانیهدن بوکون وارد اولان بر تلغرافنامه ده قصیه مذکورده ده
غلیانه کتیریلن و هوای اختلال ایله سرمست اولان خر-قیانلر طرفندن
ینه بر اسلامک قتله تشبث ایدلمشدر. زوالی مظلوم بیک مشکلاتله
اولمکدن قوریتیه بیلمش ایسه ده تهلکه لی صورتده مجروحدر. رسمو
جنایتی ایچون اولجه وقوع بولان اشماتمه دائر تفصیلات جدیده آلدیم.
اورادددرت مسلماندن بری قادین اولمق اوزره ایکینسی شهیددوشمش،
ایکینسی ده آغیر بر صورتده و مختلف یرلرندن یارالانمشدر.

کریدکمی، یونانکمی حامیسی اولدقلری بر درلو آکلاشیله میان
دول معظمه جزیره احوالنه نظر دقله باقوب تدابیر جدیده اجراسنه
مسارعت ایتزلرسه بو جنایاتک دهامدھش بر صورتده توالی ایده چکنه
شبهه یوقدر. مع مافیه، کرید اوزرنده تکون ایدن هر حادثه خونین
بر عثمانلیلره قانلی بر دررس عبرت اولماید. اول و آخر جزیره اوزرنده کی
حقوق مقدسه حاکمیتزله مظلوم اسلام قرداشلر مزک محافظه و حمایه سی
بزه مترتبدر.

«روم ایلی»

صراط مستقیم مطبوعه سی : مدیر مسئول : اشرف ارباب